

# Procedemento para o seguimento e o control da docencia da Facultade de Dereito

DO-0201 P1



## Procedemento para o seguimento e o control da docencia

# Procedemento para o seguimento e o control da docencia da Facultade de Dereito

## Índice

1. Obxecto e alcance.....	2
2. Planificación e aprobación das guías docentes.....	2
3. Control de asistencia dos docentes ás clases .....	4
4. Horario de titorías e detección e xestión do incumprimento de titorías .....	5
5. Planificación e modificación das datas dos exames.....	7
6. Seguimento da execución das probas de avaliación .....	8
7. Control da entrega da cualificacións e datas de revisión de exames .....	8
8. Control de entrega das actas definitivas no prazo correspondente.....	9
9. Corrección de situacóns anómala na docencia.....	9
10. Anexos.....	10

---

## Redacción

Responsables de calidad e docencia  
do centro

---

## Aprobación

Xunta de Facultade

Data e sinatura  
17/12/2014

Roberto O. Bustillo Bolado  
Decano da Facultade de Dereito

Susana Álvarez González  
Vicedecana de Organización Académica

Marta Fernández Prieto  
Vicedecana de Planificación e Calidade

Data e sinatura  
17/12/2014

Roberto O. Bustillo Bolado  
Decano da Facultade de Dereito

M. Dolores Fernández Fustes  
Secretaria da Facultade de Dereito

## Procedemento para o seguimento e o control da docencia

### 1. Obxecto e alcance

O presente documento ten por obxecto establecer os procedementos para o seguimento e control das obrigas docentes do profesorado da Facultade de Dereito da Universidade de Vigo a fin de garantir que a planificación e o desenvolvemento da ensinanza son coherentes coa memoria de titulación, que inclúen os elementos axeitados de información pública, asegurando a información total ante cambios xurdidos e atendendo as reclamacións que poidan xurdir a tenor do desenvolvemento dos diferentes programas formativos, e que comprenden os mecanismos que permiten completar o ciclo de mellora continua na calidade docente.

O seguimento e o control da docencia por parte dos centros xera unha serie de rexistros e datos que áinda que están centralizados no SGIC, tómanse en consideración dentro do programa de valoración da actividade docente do centro e do profesorado. Os resultados acadados polos centros, á vista dos rexistros e dos datos, inciden na toma de decisión institucionais e teñen impactos diversos (incluído o económico).

Estes procedementos son de aplicación nas seguintes obrigas docentes do profesorado:

- Planificación docente e aprobación das guías docentes
- Control de asistencia dos docentes ás clases
- Horario de titorías e detección e xestión do incumprimento de titorías
- Planificación e modificación das datas dos exames
- Seguimento da execución das probas de avaliación
- Control da entrega da cualificacións e datas de revisión de exames
- Control de entrega das actas definitivas no prazo correspondente
- Corrección de situacións anómalas na docencia ou avaliación

### 2. Planificación docente e aprobación das guías docentes

A actividade docente do profesorado desenvolverase conforme ao Procedemento de Planificación e desenvolvemento da ensinanza -DO-0201P1- integrado no SGIC do centro, tras a súa aprobación na reunión da Xunta de Facultade de 11 de setembro de 2013, no marco da fase de mellora do deseño do primeiro bloque de procedementos do SGIC realizada pola Área de apoio á Docencia e á Calidade da Universidade de Vigo. Este procedemento revisado-mellorado implantouse no curso 2013-2014 e substitúe a varios dos procedementos ata entón en vigor -os procedementos crave PC06 Planificación e desenvolvemento do ensino e PC07 Avaliación das aprendizaxes.

#### Procedemento de planificación docente

Os centros elaboran o encargo docente (PDA) a través da aplicación informática institucionalizada (Xescampus) e apróbano en xunta de centro. O encargo docente é ratificado polo Consello de Goberno da Universidade de Vigo e convértese así en definitivo. A vicerreitoría con competencias en organización académica dá acceso á PDA aprobada no Consello de Goberno, a través da aplicación institucionalizada (xescampus), para que os departamentos respectivos a concreten a través do plan de ordenación docente (POD), que se aproba en consello de departamento.

Antes do inicio do período de matrícula de cada curso académico, o equipo decanal e os coordinadores/as das titulacións revisan e actualizan a planificación docente de cada titulación, que debe aprobarse en Xunta de Facultade e/ou nas comisións académica dos máster -guías docentes das materias, horarios das materias, calendarios de avaliación, tribunais extraordinarios...-. O equipo decanal e os coordinadores/as das titulacións son responsables da difusión da información anteriormente indicada a través das webs do centro e das titulacións, sen prexuízo da súa publicación nos

## Procedemento para o seguimento e o control da docencia

taboleiros oficiais da Facultade, de acordo co Plan operativo de información pública e rendemento de contas da Facultade de Dereito -R1 DO-0301 P1-.

Nas accións docentes planificadas e aprobadas pola Xunta de Facultade non caben máis modificacións que as derivadas de causas de forza maior. O equipo decanal é o encargado de valorar, a proposta dos responsables, a conveniencia ou non dunha modificación. No caso de aceptarse, dita modificación debe ser aprobada pola Xunta de Facultade. Todos os acordos de Xunta de Facultade (e das comisións delegadas) se publican nos taboleiros oficiais e nas webs do centro e das titulacións e son de acceso público. Pola súa banda, as actas, unha vez aprobadas, se publican na zona de descargas de acceso restrinxido das webs e pódense consultar, xunto coa documentación complementaria, na secretaría do Decanato.

## Procedemento de aprobación das guías docentes

O profesorado responsable das distintas materias (tal e como se recolle no POD), elabora as guías docentes correspondentes a través da aplicación informática institucionalizada na Universidade de Vigo. As guías docentes debe aprobarlas a xunta de centro, sempre que o calendario de elaboración das guías docente aprobado pola Universidade o permita, como mínimo un mes antes do comezo do período de matrícula dos estudios aos que se refiran. Na web do centro e/ou nas webs das titulacións do centro disporase dun enlace que permita o acceso á totalidade de guías docentes por curso e por titulación.

A estos efectos, unha vez aberta a aplicación informática e seguindo o calendario aprobado pola Xunta de Facultade, os coordinadores/as das titulacións do centro envíanlle un correo electrónico a todo o profesorado responsable das materias, comunicándolle o calendario de elaboración das guías docentes, así como as orientacións a ter en conta na elaboración das guías docentes. Neste proceso de elaboración, os coordinadores/as de materias, unha vez editadas as guías docentes, remítellas ao coordinador/a da titulación para a súa revisión. Tras a revisión, o coordinador/a da titulación elabora un informe coas incidencias, errores, omisións, equívocos... detectados por materia e curso, indicando a materia e a incidencia detectada, e envíallo aos coordinadores/as de materia, para que valoren a súa corrección ou expliquen, no seu caso, a causa que xustifica o seu mantemento na guía docente. Ábrese outra vez un período de edición co obxecto de que as incidencias detectadas sexan corrixidas ou xustificadas. Unha vez rematado o segundo período de edición, o coordinador/a da titulación revisa as guías docentes por segunda vez para corrixir as incidencias, errores, omisións, equívocos... que áinda se manteñen, ben directamente se non son errores substanciais, ben solicitando a colaboración dos/as responsables das materias. Unha vez finalizado o proceso de elaboración, o coordinador/a da titulación remítelle as guías docentes ao decanato, xunto co informe detallado das incidencias áinda non corrixidas nin xustificadas adecuadamente a xuízo do coordinador/a, para a súa aprobación, se procede, en Xunta de Facultade, previa revisión e validación pola Comisión de Calidade do centro. A partir do informe do coordinador/a, a dita comisión emitirá a súa valoración sobre as incidencias, errores, omisións, equívocos... detectados e a conveniencia ou non de aprobar as devanditas guías. En todo caso, será a Xunta de Facultade a que decide se se aprobán ou non as guías docentes. A inobservancia inxustificada das recomendacións realizadas polo coordinador, cando sexan substanciais a xuízo da comisión de calidade e poidan causar prexuízos ao alumnado, será tida en conta para a avaliacián da actividade docente do profesorado do centro e, se así se estima pertinente, será motivo de comunicación oficial ao departamento correspondente e, no seu caso, á vicerreitoría de Organización Docente e Profesorado.

## 3. Control de asistencia dos docentes ás clases

A letra i) do artigo 43 do Decreto 7/2010, do 14 de xaneiro, polo que se aprobán os Estatutos da Universidade de Vigo prevé, entre as funcións da Xunta de Centro, a preparación e coordinación, de modo eficaz e adecuado, do horario das distintas materias... distribución de aulas..., así como a habilitación de medidas de control do cumprimento das obrigas docentes”.

## Procedemento para o seguimento e o control da docencia

As clases maxistrais ou de aula impartidas en grupo grande, as clases prácticas impartidas en grupos medianos e, no seu caso, as accións titoriais desenvolveranse, pois, nos horarios oficiais aprobados pola Xunta de Facultade e nas aulas asignadas. A efectos de habilitar medidas de control da asistencia dos docentes ás clases, estes asinarán o parte docente de asistencia a clases que o persoal de administración e servizos de conserxería deixará diariamente, antes do comezo das clases de mañá e tarde, nas aulas.

Calquera incidencia na docencia teórica ou práctica previamente coñecida polo docente (anulación da clase, cambio de hora con outro profesor, cambio de día...) comunicarase á secretaría do Decanato e ao alumnado afectado con antelación suficiente, indicando o día da incidencia, o motivo e o día de recuperación da clase, que se acordará previamente co alumnado a efectos de causarlle as menores distorsións posibles na planificación e desenvolvemento das ensinanzas.

Dende o decanato da Facultade e coa axuda do persoal de administración e servizos faise un control completo do cumprimento das tarefas docentes. En caso de que se detecten incumplimentos, o vicedecano/a con responsabilidades en materia de profesorado remite un correo electrónico ao docente responsable para que sexan comunicados eventuais errores na falta de firma do parte docente ou os motivos de incumplimento así como, no seu caso, o día de recuperación da clase, que se acordará previamente co alumnado a efectos de causarlle as menores distorsións posibles na planificación e desenvolvemento da ensinanza.

Coas incidencias detectadas elabórase un informe detallado por cuatrimestre, indicando a data e hora, a materia, o docente responsable, o motivo e, no seu caso, a data de recuperación da docencia. O incumplimento inxustificado das tarefas docentes será tido en conta para a avaliación da actividade docente do profesorado do centro e o incumplimento grave ou reiterado será motivo de notificación oficial ó departamento correspondente e, no seu caso, á vicerreitoría de Organización Docente e Profesorado.

(\*) No anexo I achégase un modelo dos partes docentes ou de firmas que se habilitan nos espazos docentes e que se enchen dende a secretaría do Decanato, en cada cuatrimestre, cos datos correspondentes ao curso académico, titulación, período, aula, curso, día da semana, hora de docencia e materia. Os datos do profesor/a, alumnado asistente e a sinatura éñchense polo docente no momento de impartir da docencia.

## 4. Horario de titorías e detección e xestión do incumplimento de titorías

### Procedemento a seguir para que o alumnado coñeza os horarios de titoría

O procedemento comeza durante os meses de xuño e xullo de cada curso académico. Unha vez aprobados os horarios do curso seguinte pola Xunta de Facultade, se lle envía ao profesorado un correo electrónico solicitándolle que cubran a ficha que figura nun enlace da aplicación docs.google.com, que se xestioná a través da secretaría do Decanato-, co seu horario de titorías (primeiro período, segundo período e outros períodos excluídos primeiro e segundo período) para o seguinte curso académico,. Comprobada a pertinencia dos horarios de titorías propostos, ordénase a súa publicación na páxina web da Facultade de Dereito no enlace profesorado e nos taboleiros oficiais de anuncios da Facultade na planta baixa do edificio.

Pola súa banda, o profesorado comunica directamente o seu horario de titorías ao alumnado na presentación da materia e, de xeito habitual, publica a devandita información nos taboleiros de anuncios das áreas ou á entrada dos propios despachos do profesorado.

### Procedemento para a detección e xestión de incumplimentos de titorías

En aplicación do artigo 43 do Decreto 7/2010, do 14 de xaneiro, polo que se aproban os Estatutos da Universidade de Vigo -consonante o que “son funcións da Xunta de Centro: (...) i) a habilitación de medidas de control do cumprimento das obrigas docentes”, e co obxecto de garantir unha atención eficaz e de calidade ao alumnado que acuda a titorías e

## Procedemento para o seguimento e o control da docencia

facilitar a labor do profesorado responsable das mesmas, procédese á aprobación do seguinte procedemento para a detección e xestión de incumprimento de titorías:

### 1. Garantía de cumprimento das titorías

a. Aprobado o horario de titorías a proposta do/a profesor/a, este/a deberá garantir o cumprimento rigoroso do mesmo, atopándose nas horas indicadas a disposición do alumnado no correspondente despacho.

b. O horario de titorías de todo o profesorado que imparta docencia na Facultade de Dereito publicarase na páxina web do centro e nos correspondentes taboleiros de anuncios.

c. De producirse algúna circunstancia excepcional -de carácter académico ou persoal- que impida o cumprimento de titorías no horario predeterminado, o/a profesor/a responsable remitirá ao Decanato unha comunicación informando da circunstancia concorrente, da correspondente suspensión da titoría, así como da hora e data de recuperación da mesma.

Nos citados supostos, o/a profesor/a procurará deixar constancia da suspensión da titoría na porta do despacho ou no correspondente taboleiro de anuncios.

### 2. Tramitación de incidencias

a. En caso de incumprimento de titoría non informado ou non autorizado consonte o disposto no apartado precedente e tendo acudido un/unha estudante á titoría, este/esta, xa sexa persoalmente ou a través dun representante (delegado/a ou representante do alumnado na Xunta de Facultade), poderá presentar perante o Decanato a correspondente queixa -segundo impreso normalizado que se adxunta-.

b. O Decanato procederá á tramitación da queixa conforme segue:

i. Recibida queixa por incumprimento de titorías, o Decanato informará da mesma ao/a profesor/a responsable coa finalidade de que este/esta presente un escrito de alegacións e/ou xustificación do devandito incumprimento que, de verificarse, deberá ser obxecto de emenda mediante recuperación da titoría.

ii. Aos efectos do previsto no apartado anterior, o/a profesor/a responsable comunicará ao Decanato a data e a hora de recuperación da titoría, das que será persoalmente informado/a o/a alumno/a non atendido/a por mor do incumprimento ou, no seu caso, o/a representante do/a mesmo/a.

iii. A queixa, a causa xustificativa alegada, así como a data e a hora da recuperación da titoría recolleránse no correspondente libro de incidencias, aos efectos de coñecemento e valoración pola Comisión de Calidade da Facultade de Dereito.

### 3. Publicidade

Para garantir a súa difusión e eficacia, o presente procedemento, así como o correspondente formulario de queixa serán obxecto de publicación na páxina web do centro.

Ademais, o equipo decanal preséntalle o devandito procedemento ao alumnado nas xornadas de acollida - ou "Curso cero" - que se imparten ao comezo de cada curso académico.

O Procedemento para a detección e xestión de incumprimentos de titorías foi aprobado pola Xunta de Facultade o día 30 de abril de 2012 e atópase, xunto co correspondente formulario de queixa, a disposición do estudiantado na páxina web da Facultade de Dereito no enlace normativa e formularios.

(\*) No anexo II achégase o formulario do procedemento para a detección e xestión de incumprimentos de titorías.

## Procedemento para o seguimento e o control da docencia

### 5. Planificación e modificación das datas dos exames

A letra i) do artigo 43 do Decreto 7/2010, do 14 de xaneiro, polo que se aproban os Estatutos da Universidade de Vigo prevé, entre as funcións da Xunta de Centro, a preparación e coordinación, de modo eficaz e adecuado, de "...probas parciais e finais, distribución de aulas... así como a habilitación de medidas de control do cumprimento das obrigas docentes".

#### **Procedemento a seguir para que o alumnado coñeza as datas de exames e probas de avaliación con anterioridade á matrícula.**

Durante os meses de maio e xuño de cada curso académico, unha vez aprobado o calendario escolar do curso correspondente polo Consello de Goberno, remítenselle este aos representantes dos estudiantes indicándolle as datas de avaliación a fin de que elaboren unha proposta de datas de exames e probas de avaliación para o seguinte curso lectivo. Recibida a proposta, o equipo decanal a revisa e fixa o horario, respectando, na medida do posible, a proposta dos estudiantes. Unha vez confeccionado, elévase –durante o mes de xuño ou xullo– á Xunta de Facultade ou, caso de delegación, á Comisión Permanente, para a súa aprobación.

Aprobado o calendario de avaliación do curso académico, este públicase coa correspondente dilixencia de aprobación e publicación oficial nos taboleiros de anuncios situados na planta baixa do edificio e na páxina web da Facultade de Dereito –na correspondente titulación–. Nas titulacións de máster, as datas de avaliación son aprobadas polas respectivas comisións académicas e publicadas oficialmente nas súas respectivas páxinas web e, no seu caso, no taboleiro de anuncios. Desta maneira, o alumnado coñece as datas de exame con anterioridade á realización da matrícula.

#### **Procedemento para a modificación de datas de exame**

O Procedemento para a modificación de datas de exame atópase a disposición do estudiantado na páxina web da Facultade de Dereito –na sección Goberno/Normativa e formularios (<http://dereito.uvigo.es/gobierno/normativa-formularios.html>)–, e é o seguinte:

"O artigo 140 d) dos Estatutos da Universidade de Vigo dispón que o alumnado que exerza representación do seu sector da comunidade universitaria, terá "dereito a se poder examinar noutra data, para facilitar a súa asistencia ás sesións ordinarias ou extraordinarias dos órganos colexiados".

Por outra banda, o artigo 12 do Regulamento de Estudiantes da Universidade de Vigo establece que: "Os exames finais deberán ser realizados nas datas e na modalidade aprobada pola Xunta de Centro con anterioridade ao prazo de matrícula, non cabendo mais modificacións que as derivadas de causas de fuerza maior. No caso de que se cambien as datas, garantírse o dereito a exame evitando as incompatibilidades".

Isto é, o dereito dun/a alumno/á poder examinarse en data distinta da oficial só existe en concorrencia dalgúnha destas dúas circunstancias:

-Que exerza tarefas de representación (por ex. claustral, membro de Consello de Departamento, membro de Xunta de Facultade, etc.) e o exame coincide en data e horario cunha sesión ordinaria ou extraordinaria do órgano colexiado ao que pertence.

-Que se atope nunha situación de fuerza maior.

En ambos os dous casos, o alumno/a deberá presentar na secretaría do Decanato, canto antes, unha instancia dirixida ao Sr./Sra. Decano/a conforme o modelo adxunto, indicando as circunstancias que lle impediron facer o exame e achegando os xustificantes oportunos.

## Procedemento para o seguimento e o control da docencia

Unha vez examinada a solicitude, o/o Decano/a resolverá se se dan as circunstancias para que proceda, ou non, cambiar a data do exame. En caso positivo, comunicaráselle á persoa solicitante e poráselle en contacto co/o profesor/a de a materia, quen fixará unha data de exame alternativa”.

O formulario do Procedemento para a modificación de datas de exame atópase tamén a disposición do estudiantado na páxina web da Facultade de Dereito -na sección Gobierno/Normativa e formularios (<http://derecito.uvigo.es/gobierno/normativa-formularios.html>)-.

(\*) No anexo III achégase o formulario do Procedemento para a modificación de datas de exame.

## Procedemento a seguir para que o alumnado coñeza as variacións nas datas de exames e probas de avaliación

No suposto de que se produza unha variación nas datas de exames ou probas de avaliación e o cambio afecte a un/ha estudiante -ou estudiantes- en concreto, unha vez resolta a solicitude, conforme ao Procedemento para a modificación das datas de exames, esta comunicaráselle ao alumno/a interesado/a, a través do enderezo electrónico, teléfono ou por correo postal, segundo a elección do/a estudiante na solicitude presentada.

Para os casos nos que o cambio de data se aplique de forma xeral a todo o alumnado matriculado na materia, tras a resolución conforme ás normas establecidas, a modificación comunicáraselle ao alumnado implicado, por enderezo electrónico, e aos delegados de curso. Ademais, a devandita modificación da proba ou exame se publicará nos taboleiros oficiais de anuncios da planta baixa do edificio e no taboleiro da aula na que se impartan as sesións maxistrais.

## 6. Seguimento da execución das probas de avaliación

As probas de avaliación desenvolveranse nos horarios oficiais aprobados pola Xunta de Facultade e nas aulas asignadas. Os criterios de cualificación e as normas para a realización dos exames deberán darse a coñecer antes do seu inicio. Dende o Decanato da Facultade, e coa axuda do persoal de administración e servizos, faise un seguimento completo da execución das probas de avaliación. Durante a realización das probas será obligatoria a presenza do profesor/a responsable da materia, agás causas xustificadas. A efectos de controlar a presenza dos docentes responsables nas probas de avaliación, o docente asinará o parte de exame habilitado nas aulas. En caso de que se detecten eventuais ausencias do docente responsable nunha proba programada de avaliación, dende o Decanato da Facultade, e coa axuda do persoal de administración e servizos, tentaselle localizar á maior brevidade posible -ou, de non ser posible, a profesorado da mesma área de coñecemento- demandando a súa presenza inmediata no centro ou, no caso de que non sexa posible, unha pronta solución previamente pactada co estudiantado implicado a efectos de causarlle as menores distorsións posibles na planificación e desenvolvemento das ensinanzas.

Coas incidencias detectadas elabórase un informe detallado por cuatrimestre. A ausencia inxustificada nunha proba programada de avaliación será tida en conta para a avaliación da actividade docente do profesorado do centro e, de ser grave ou reiterada, será motivo de notificación oficial ó departamento correspondente e, no seu caso, á vicerrectoría de Organización Docente e Profesorado.

(\*) No anexo IV achégase un modelo de parte de realización de exames e probas de avaliación. Os devanditos partes énchense dende a secretaría do Decanato, en cada período, cos datos correspondentes ao curso académico, titulación, período, aula, data, materia e hora de realización. Os datos do profesor/a, alumnado asistente e a sinatura énchense polo docente no momento de realizar o exame ou proba de avaliación.

## Procedemento para o seguimento e o control da docencia

### 7. Control da entrega da cualificacións e datas de revisión de exames

#### Procedemento a seguir para o control da entrega de cualificacións e datas de revisión de exames

Os docentes responsables de cada materia serán responsables de comunicar os resultados ou cualificacións da avaliación das aprendizaxes aos alumnos, no seu caso, polo sistema acordado no programa docente da súa materia, e establecerán a data para a revisión das probas de avaliación. As cualificacións poderán expoñerse mediante listaxes nos taboleiros de anuncios das áreas e/ou a través da plataforma informática facilitada a tal efecto pola Universidade de Vigo.

Así mesmo, os docentes comunicarán mediante correo electrónico á secretaría do Decanato a data da publicación das cualificacións e as datas de revisión de exames. A tales efectos, dende a secretaría do Decanato e coa axuda do persoal de administración e servizos, se envía un correo electrónico aos docentes lembrándolles a necesidade de facilitar a dita información e a conveniencia de que a revisión dos exames non teña lugar antes de 48 horas dende a publicación das cualificacións. Coa información recibida elabórase un rexistro de entrega de cualificacións provisionais e período de revisión detallado por cuatrimestre, que será tido en conta para a avaliación da actividade docente do profesorado do centro.

Para a revisión dos exames, os docentes disporán dunha acta de asistencia á revisión, que será debidamente asinada polos alumnos que asistan á revisión dos exames, previa identificación dos mesmos.

(\*) No anexo V achégase o modelo de rexistro de entrega de cualificacións provisionais e período de revisión, que se enche dende a secretaría do Decanato, en cada período, cos datos correspondentes ao curso académico, titulación e curso, período, nome da materia, profesor/a, data de exame, data de publicación das cualificacións e data de revisión dos exames.

No anexo VI achégase o modelo de acta de asistencia a revisión de exames, que enche a/o docente, cos datos correspondentes ao profesor/a, materia, curso, titulación, data de revisión e co nome, apelidos, DNI e a sinatura das/os estudantes que acoden á revisión.

### 8. Control de entrega das actas definitivas no prazo correspondente

#### Procedemento a seguir para o control da entrega das actas definitivas no prazo correspondente

As datas de remate dos períodos de rexistro na aplicación informática das cualificacións nas actas e da súa entrega na secretaría do centro, incluídas as datas para a entrega das actas dos Traballos de fin de grao, apróbanse para cada curso académico polo Consello de Goberno no calendario académico do curso correspondente. Os docentes responsables de cada materia cumplimentarán a acta definitiva de cualificacións antes da data límite de rexistro das cualificacións para cada un dos períodos de avaliación do calendario escolar do curso académico correspondente a través da Secretaría virtual. Dita acta asinada polos profesores da materia, será entregada na secretaría do centro. Os docentes responsables deberán asinar no rexistro de entrega de actas definitivas. A entrega das actas por parte do profesorado fóra do prazo establecido pola Xunta de Goberno para cada curso académico vixíase por parte dos servizos da universidade.

En cada convocatoria de entrega de cualificacións, dende o Decanato do centro e coa axuda do persoal de administración e servizos, se remite un correo electrónico aos profesores lembrándolles as datas de remate de entrega de actas definitivas. A Xefa de Administración é quen xestionará o rexistro e seguimento da entrega de actas definitivas mediante o control das datas de entregas das actas a través dunha folla de firmas na que debe constar o nome do profesor que entrega a acta e a data de entrega da mesma. Dous días antes do remate do prazo aprobado en cada curso académico polo Consello de Goberno como data de remate de entrega de actas, dende o Decanato se remite un correo electrónico aos profesores que ainda non entregaron as actas lembrándolles as datas de remate dos períodos de rexistro

## Procedemento para o seguimento e o control da docencia

na aplicación informática das cualificacións nas actas e da súa entrega. Se, rematado o prazo de entrega de actas, a Xefa de Administración detecta algúm incumprimento do mesmo, debe poñelo inmediatamente en coñecemento do Sr. Decano.

Coas incidencias detectadas elabórase un informe detallado por cuadrimestre. O incumprimento inxustificado da data de entrega das actas definitivas será tido en conta para a avaliación da actividade docente do profesorado do centro e, nos casos de incumprimentos graves ou reiterados, será motivo de notificación oficial ó departamento correspondente e, no seu caso, á vicerreitoría de Organización Docente e Profesorado.

(\*) No anexo VII achégase o modelo de rexistro de entrega de actas definitivas que se enche, en cada convocatoria de entrega de cualificacións, dende a secretaría do centro, cos datos correspondentes ao curso académico, edición, titulación, curso, materia, código e profesor responsable. A data de entrega e a sinatura énchense no momento da entrega da acta.

## 9. Corrección de situacions anómala na docencia ou avaliación

Ante calquera situación anómala no seguimento e control da docencia ou avaliación non contemplada especificamente por este documento ou por calquera outro procedemento recollido no Sistema de Garantía Interna da Calidade da Facultade de Dereito, o procedemento que deberá seguirse é o que se expón a continuación, sen que deba excluírse calquera outro método sempre que garanta a xustiza e imparcialidade de todas as partes implicadas.

Detectada por algúm membro da comunidade universitaria unha situación anómala ou incorrecta, o interesado deberá identificar ao axente responsable e tratar de subministrar a maior información dispoñible. Poderá utilizar os formularios dc queixas e suxestións do SGIC. A incidencia pode igualmente ser detectada de oficio polo equipo de goberno da Facultade.

Recollida a incidencia porase en marcha o mecanismo recollido polo Procedemento de Xestión de queixas, suxestións e felicitacións (MC02-P1, do segundo bloque de procedementos do SGIC revisados-mellorados pola Área de apoio á Docencia e Calidade).

As incidencias detectadas nos procedementos de seguimento e control da docencia serán obxecto de reflexión e debate na Comisión de Calidade do centro, convidando a asistir, con voz e sen voto, a estes efectos, ao vicedecano/a con competencias en materia de profesorado, e, no seu caso, ao coordinador/a da titulación e aos delegados/as de alumnos/as dos cursos implicados. Avaliada a situación denunciada, se a comisión o estima pertinente, elevarase un escrito aos directores/as dos departamentos e, no seu caso, á vicerreitoría de Organización Académica, instando a adopción das medidas necesarias para garantir o axeitado cumprimento das obrigas docentes, a cobertura das necesidades do servizo e os dereitos do alumnado, e causando as menores distorsións posibles ao estudantado na planificación e o desenvolvemento da docencia afectada. As incidencias detectadas serán tidas igualmente en conta, no seu caso, para a avaliación da actividade docente do profesorado do centro.

## Procedemento para o seguimento e o control da docencia

### 10. Anexos

Anexo I Modelo de parte docente

Anexo II Formulario do procedemento para a detección e xestión de incumprimentos de titorías

Anexo III Formulario do procedemento para a modificación de datas de exame

Anexo IV Modelo de parte de exames ou probas de avaliación

Anexo V Modelo de rexistro de entrega de cualificacións provisionais e período de revisión

Anexo VI Modelo de acta de asistencia á revisión de exames

Anexo VII Modelo de rexistro de entrega de actas definitivas

Procedemento para o seguimento e o control da docencia

**ANEXO I**  
**MODELO DE PARTE DOCENTE**  
**FACULTADE DE DEREITO**  
**AULA**  
**CURSO ACADÉMICO PERÍODO**  
**CURSO**

**DÍA DA SEMANA**

MAÑÁ/ TARDE	HORA	MATERIA	PROFESOR/A	ALUMNADO ASISTENTE	SINATURA

**INCIDENCIAS:**

**Procedemento para o seguimento e o control da docencia****ANEXO II****PROCEDEMENTO PARA A DETECCIÓN E XESTIÓN DE  
QUEIXAS RELATIVAS AO INCUMPRIMENTO DE  
TITORÍAS****CODIF:****R2-DO-0201 P1  
Anexo II****Centro: Facultade de Dereito**

Data: \_\_\_\_\_

**Ao DECANATO da Facultade de Dereito**

Datos

da persoa que presenta a queixa:

Nome:

Apelidos:

DNI:

Materia (con indicación de titulación e curso):	
Profesor/a:	
Horario obxecto de incumprimento:	
Outros datos dos que se desexe deixar constancia:	

Resposta:

 Non desexo resposta Por e-mail:**Sinatura:**

Remitir á Secretaría do Decanato da Facultade de Dereito por algúns dos seguintes medios:

- a) Correo electrónico: [sdefdo@uvigo.es](mailto:sdefdo@uvigo.es)
- b) Personalmente mediante entrega
- c) Correo postal:

Decanato – Facultade de Dereito, Edificio Xurídico-Empresarial, Campus Universitario, 32004 Ourense

## Procedemento para o seguimento e o control da docencia

### ANEXO III FORMULARIO DO PROCEDEMENTO PARA A MODIFICACIÓN DE DATAS DE EXAME

D. .... /DNa .....  
con DNI..... e domicilio, a efectos de notificacións, en  
.....

#### EXPÓN

Que non pode/puido presentarse ao exame da materia .....  
de .....curso, do día .....

polas seguintes circunstancias -debe achegarse a documentación acreditativa-:

.....  
.....  
.....  
....., e por elo

#### SOLICITA

Que se lle cambie a data do exame e se lle comunique a resposta por

- Por e-mail:

- Por teléfono:

- Por correo:

Ourense, .....de.....de 201

Asdo.:

**SR/A. DECANO/A DA FACULTADE DE DEREITO**

Procedemento para o seguimento e o control da docencia

**ANEXO IV**  
**MODELO DE PARTE DE EXAMES OU PROBAS DE AVALIACIÓN**

**FACULTADE DE DEREITO**

**PARTES DE EXAMES**

**CONVOCATORIA**

**TITULACIÓN – CURSO ACADÉMICO**

**AULA DATA**

MATERIA	HORA	NOME E APELIDOS DO/A PROFESOR/A	ALUMNADO ASISTENTE	SINATURA

**OBSERVACIÓNS:**

Procedemento para o seguimento e o control da docencia

**ANEXO V**

**MODELO DE REXISTRO DE ENTREGA DE CUALIFICACIÓNNS PROVISIONAIS E PERÍODO  
DE REVISIÓN**

Universidade de Vigo	PROCEDIMENTO PARA O SEGUIMENTO E O CONTROL DA DOCENCIA	FACULTADE DE DEREITO	CODIF: R2-DO-0201 P1 ANEXO V
----------------------	---	----------------------	------------------------------------

CURSO ACADÉMICO	CURSO E TITULACIÓN
CONVOCATORIA:	

NOME MATERIA	PROFESOR/A	DATA EXAME	DATA PUBLICACIÓN CUALIFICACIÓNNS	DATA REVISIÓN EXAMES

**Procedemento para o seguimento e o control da docencia****ANEXO VI**  
**MODELO DE ACTA DE ASISTENCIA Á REVISIÓN DE EXAMES**

<b>Universidade de Vigo</b>	Procedemento para o seguimento e o control da docencia	Facultade de Dereito	CODIF: <b>R2-DO-0201</b> <b>P1-Anexo VI</b>
-----------------------------	--	-------------------------	---

**DOCUMENTO DE ASISTENCIA Á REVISIÓN DE EXAMES**

<b>PROFESOR/A</b>			
<b>MATERIA</b>			
<b>CURSO</b>			
<b>TITULACIÓN</b>			
<b>DATA REVISIÓN</b>			
<b>ALUMNAs/OS QUE ACODEN Á REVISIÓN</b>			
<b>NOME</b>	<b>APELIDOS</b>	<b>DNI</b>	<b>SINATURA</b>
<b>INCIDENCIAS</b>			

Sinatura do Profesor/a

Procedemento para o seguimento e o control da docencia

## ANEXO VII

### MODELO DE REXISTRO DE ENTREGA DE ACTAS DEFINITIVAS

# UniversidadeVigo

**CURSO:**  
(edición)

**FACULTADE DE DEREITO**  
**TITULACIÓN – OURENSE**

**Curso**

MATERIA CÓDIGO PROFESOR	DATA ENTREGA SINATURA